



Broj: KSI-09-205/24

Datum: 24.10.2024. godine

Na osnovu člana 25. tačka (g) Zakona o sprečavanju sukoba interesa u institucijama Brčko distrikta Bosne i Hercegovine („Službeni glasnik Brčko distrikta Bosne i Hercegovine“ broj: 04/21) i člana 25. stav (2) Poslovnika o radu Komisije za odlučivanje o sukobu interesa, postupajući po anonimnoj prijavi, podnesenoj protiv nosioca javne funkcije A. R., predsjednika Upravnog odbora JP „Putevi Brčko“ d.o.o. Brčko, na 103. sjednici održanoj dana 24.10.2024. godine, donosi

ODLUKU

Postupak za odlučivanje o sukobu interesa protiv nosioca javne funkcije, A.R., predsjednika Upravnog odbora JP „Putevi Brčko“ d.o.o. Brčko neće se pokrenuti, obzirom da iz dostavljenih podataka i dokumentacije ne proizilazi da je u postupanju nosioca javne funkcije došlo do povrede odredaba Zakona o sprečavanju sukoba interesa u institucijama Brčko distrikta Bosne i Hercegovine, odnosno postojanja sukoba interesa.

Образложење

Dana 15.10.2024. godine Komisiji za odlučivanje o sukobu interesa od strane Kancelarije za prevenciju korupcije i koordinaciju aktivnosti na suzbijanju korupcije u Brčko distriktu BiH dostavljen je na postupanje predmet broj: [REDACTED] sa cjelokupnom dokumentacijom, kao nadležnom organu.

U dostavljenom spisu, navedeno je da je dana 01.02.2024. godine Kancelarija za prevenciju korupcije i koordinaciju aktivnosti na suzbijanju korupcije zaprimila anonimnu prijavu sa indicijama koruptivnog ponašanja za nosioca javne funkcije A.R., predsjednika Upravnog odbora JP „Putevi Brčko“ d.o.o. Brčko, a u kojoj se navodi da pravne usluge za potrebe JP „Putevi Brčko“ d.o.o. Brčko distrikt BiH, obavlja advokat R.A. iz advokatske kancelarije R.A. iz Brčkog, predsjednik Upravnog odbora navedenog preduzeća. Obzirom da se prijava odnosi na eventualni sukob interesa nosioca javne funkcije, Kancelarija je kompletan predmet dostavila na postupanje Komisiji, kao nadležnom organu.

Članom 2. tačka c) Zakona o sprečavanju sukoba interesa u institucijama Brčko distrikta Bosne i Hercegovine propisano je da je „nosilac javne funkcije“ izabrano ili imenovano lice u organima i institucijama Distrikta, u pravnim licima koje osniva Distrikt kao i u pravnim licima kojima je povjereno vršenje javnih ovlaštenja i lice koje je imenovano, odnosno na čiji izbor i imenovanje saglasnost daje Skupština, odnosno Vlada, ukoliko drugim zakonom nije drugačije propisano.

Uvidom u Registar javnih funkcija i nosilaca javne funkcije, koje vodi Komisija, utvrđeno je da A.R. obavlja funkciju člana Upravnog odbora JP „Putevi Brčko“ d.o.o. Brčko na osnovu Odluke Skupštine Brčko distrikta Bosne i Hercegovine broj: [REDACTED] od [REDACTED] godine, te je obavezan postupati u skladu s odredbama Zakona o sprečavanju sukoba interesa u institucijama Brčko distrikta Bosne i Hercegovine.

Naime, uvidom u dokumentaciju, dostavljenu od strane Kancelarije za prevenciju korupcije i koordinaciju aktivnosti na suzbijanju korupcije, Komisija je utvrdila da je u dopisu JP „Putevi Brčko“ d.o.o. Brčko distrikt BiH, broj: [REDACTED] od [REDACTED] godine, navedeno da A.R. nakon stupanja na javnu funkciju dana 02.06.2021. godine, nije zaključio niti jedan novi ugovor o pružanju advokatskih usluga sa JP „Putevi Brčko“ d.o.o. Brčko distrikt BiH i da su u skladu sa potrebama javnog preduzeća, pravni poslovi za pružanje advokatskih usluga, sklopljeni sa više drugih advokatskih kancelarija, a nikako sa gore navedenom advokatskom kancelarijom. Takođe, A.R., kao predsjednik Upravnog odbora na prvoj sjednici usmeno je upoznao i Upravni odbor sa gore navedenim činjenicama. Dakle, JP „Putevi Brčko“ d.o.o. Brčko distrikt BiH sa advokatskom kancelarijom predsjednika Upravnog odbora nije sklapao ugovore o pružanju advokatskih usluga nakon 02.06.2021. godine i da je posljednji takav ugovor zaključen dana 28.04.2020. godine, te da poslove koje je nastavila obavljati ova advokatska kancelarija u cilju okončanja postupaka proističu iz ugovornih obaveza koje su nastale prije stupanja na javnu funkciju.

Uvidom u dostavljenu dokumentaciju, odnosno dopis Osnovnog suda Brčko distrikt BiH vidljivo je da je u pojedinim predmetima, odnosno u komunalnim predmetima male vrijednosti i pokrenutim postupcima prije stupanja na javnu funkciju, advokat A.R. zastupao je JP „Putevi Brčko“ d.o.o. Brčko distrikt BiH nakon imenovanja na poziciju predsjednika Upravnog odbora JP „Putevi Brčko“ d.o.o. Brčko distrikt BiH isključivo po pravnim lijekovima, a u cilju okončanja postupaka po predmetima nastalim iz ugovora zaključenih prije imenovanja A.R. na poziciju člana Upravnog odbora JP „Putevi Brčko“ d.o.o. Brčko distrikt BiH, kao nosioca javne funkcije.

Kancelarija za prevenciju korupcije i koordinaciju aktivnosti na suzbijanju korupcije dana 11.09.2024. godine, ne analizirajući gore navedeni dopis Osnovnog suda i ne upuštajući se u rješavanje predmeta po prijavi, dostavila je zahtjev Komisiji za odlučivanje o sukobu interesa, da se ista očituje na okolnosti eventualnog postojanja sukoba interesa i postupanje nosioca javne funkcije na dato Mišljenje Komisije broj: KSI-12-52/21 od 18.11.2021. godine nosiocu javne funkcije, a upravo je vezano za zaključivanje ugovora.

Nadalje, Komisija je postupajući po navedenom zahtjevu, prikupila dodatne podatke te je u dopisu dostavljenom od strane JP „Putevi Brčko“ distrikt BiH vidljivo da advokat R.A. nema zaključene ugovore o pružanju pravne pomoći i zastupanju sa navedenim preduzećem nakon dana 02.06.2021. godine, te uzimajući u obzir gore navedeno kao i mišljenje Komisije iz koga jasno proizilazi da nosilac javne funkcije ne može zaključivati ugovore sa pravnim licem u kojem obavlja funkciju člana Upravnog odbora, s tim da se odredbom člana 9. stav (6) Zakona o sprečavanju sukoba interesa u institucijama Brčko distrikta BiH, propisuje nemogućnost retroaktivne primjene odnosno isključuje se primjena ograničenja ili zabrane postupanja nosioca javne funkcije na sve aktivnosti vezane za poslovne odnose koji su zaključeni prije stupanja nosioca javne funkcije na javnu funkciju. Komisija je postupajući po traženom zahtjevu obavijestila Kancelariju za prevenciju korupcije i koordinaciju aktivnosti na suzbijanju korupcije da je nosilac javne funkcije uvažio preporuke navedene u mišljenju Komisije, odnosno, da nije stupao u ugovorni odnos sa pomenutim preduzećem nakon stupanja

na javnu funkciju, što je u dopisu dostavljenom od strane JP „Putevi Brčko“ d.o.o. Brčko distrikt BiH i potvrđeno.

Iz svega navedenog, a na osnovu dostavljene dokumentacije od strane Kancelarije za prevenciju korupcije i koordinaciju aktivnosti na suzbijanju korupcije i prikupljene dokumentacije od strane Komisije za odlučivanje o sukobu interesa, utvrđeno je da A.R., kao nosilac javne funkcije, nije povrijedio odredbe Zakona o sprečavanju sukoba interesa u institucijama Brčko distrikta BiH, odnosno da ne postoji sukob interesa, jer nisu utvrđene okolnosti koje bi ukazivale na moguću povredu odredaba Zakona od strane nosioca javne funkcije, obzirom da se u ovom slučaju sve aktivnosti nosioca javne funkcije odnose isključivo na okončanje postupaka po ugovorima zaključenim prije stupanja na javnu funkciju.

Slijedom primjene člana 9. stav (6) Zakona o sprečavanju sukoba interesa u institucijama Brčko distrikta BiH, Komisija je donijela odluku kao u dispozitivu.

Pouka o pravnom lijeku:

Protiv ove Odluke nije dozvoljena žalba, ali se može pokrenuti upravni spor pred Osnovnim sudom Brčko distrikta Bosne i Hercegovine u roku od 30 od strane nosioca javne funkcije.

Predsjednik
Komisije za odlučivanje o sukobu interesa

Admira Mujić, dipl. pravnik

Dostaviti:

1. Anonimnom podnosiocu-putem oglasne ploče,
2. Internet stranici Komisije,
3. Evidenciji i
4. Arhivi.